

infallibilis in doctrina sive congregata in concilio œcumenico sive dispersa. Fidei controversiarum iudex est a Christo instituta. Non Scriptura sacra. Non princeps secularis. Non Spiritus unumquemque afflans. Vi promissionum Christi, multitudo Episcoporum cum suo capite conjunctorum paucis aliunde reclanantibus præsulibus errorem nec definit, nec pertinaciter unquam defendet. Decreto alicui ut pro lege Ecclesiæ irreformabili habeatur, Episcoporum consensus moraliter unanimitis sufficit.

ECCLESIE invisibile caput, Christus; visibile & communionis totius centrum Romanus Pontifex, sancti Petri successor. Cæteris Episcopis jure divino superior, honoris et jurisdictionis primatu non secus ac Divus Petrus gaudet in universa Ecclesia. In temporalia regum nihil quidquam vel indirecte potest. Nec omnes, nec solos prædestinatos complectitur Ecclesia. Catechumenos expectat. Peccatores servat etiam publicos. Hæreticos dolens tenet si occultos. Excommunicatos, Apostatas, Schismaticos respuit. Regimen ejus non pure Monarchicum sed Aristocratia temperatum.

CONCILIA sunt conventus Episcoporum circa fidem, mores, & disciplinam statutientium. Alia provincialia sunt; nationalia alia, alia generalia seu œcumenica. Sua singulis inest auctoritas, non eadem omnibus; supremam et infallibilem habent œcumenica. Iis præest Romanus Pontifex, vel per se, vel per legatos suos. Soli Episcopi ut iudices assident. Admittuntur ut consultores viri theologi. Horum protectores & defensores sunt Principes sæculares. Patres Conc. Arimin. subscribendo formulæ ab Arianis illatæ in eorum hæresim intus & aniuo non sunt prolapsi. Aliis Episcopis per orbem tunc dispersis fuerunt numero longe inferiores.

SCRIPTURA Sacra divinum opus. Ejus duplex sensus, litteralis & mysticus. Nullam essentialem passum corruptionem, integrum ad nos pervenit utrumque Testamentum. Pentateuchus cujus auctor Moyses, vera historia. Quatuor Evangelia Matthæus, Lucas, Marcus & Joannes scripserunt. Per se utilis scripturarum lectio, omnibus & singulis fidelibus non est necessaria. Quibusdam quandoque per accidens nociva. Inde non omnibus indiscriminatim permittenda. Systema Præadamitarum figmentum. Primus exiit Adam e manibus Dei, *qui Magnus est & faciens mirabilia.*

Has theses, Deo duce, auspice Dei-Para & Præside S. M. N. JACOBO-BENEDICTO DAILLAN, sacræ Facultatis Parisiensis, e Regia Societate, Doctore Theologo & Professore Regio. tueri conabitur LUDOVICUS LIENARD De BEAUJEU, Presbyter Quebecensis, ejusdem Sacræ Facultatis Parisiensis Baccalaureus Theologus, die Veneris vigesima sexta mensis Februarii, anno Domini 1745, ab octava matutina ad sextam vespertinam.

IN REGIS CARMELITARUM SCHOLIS
PRO MAJORE ORDINARIA.
